



# Lajmëtari i Radio Marisë

Nëntor 2011

Viti III, Nr. 11

## Në këtë numër do të lexoni

Lutjet '100 Jepua, o Zot,  
pushimin e pasosur' për  
shpirtat e Purgatorit 2

Angazhimet e besimtarëve  
gjatë muajit nëntor 3

Litanitë për besimtarët  
e vdekur 4

Lajmëtari i Radio Marisë  
është organ i  
Shoqatës Radio Maria.

Tiranë

Rr. Papa Gjon Pali II, Nr. 4  
Fushë Kërçik  
Babrru, Paskuqan  
Tiranë, Shqipëri  
+355 4 2 346 346

Shkodër

Sheshi Papa Gjon Pali II  
Shkodër, Shqipëri  
+355 22 24 08 52

E-mail

[info@alb.radiomaria.org](mailto:info@alb.radiomaria.org)

Përgjegjës

Don Prekë Lazraj

Radio Maria,  
Hiri i Hyjit në shtëpinë tënde,  
mund të dëgjohet në:

Trëshen e rrethina  
FM 100.7 MHz

Tiranë, Durrës, Kavajë, Berat  
FM 91.4 MHz

Shkodër, Podgoricë, Ulqin  
FM 102.2 MHz

Lezhë, Laç të Kurbinit, Mamurras  
FM 89.6 MHz;

Pukë, Fushë Arrëz, Tropojë,  
Kukës dhe Kosovë

FM 90.0 MHz

[www.radiomaria.al](http://www.radiomaria.al)

## PËRKUJTIMI I BESIMTARËVE TË VDEKUR



Kisha e shenjtë, në liturgjinë e vet, të gjithëve që kaluan nga kjo jetë «në shenjen e fesë» - si besimtarë – iu jep një vend të veçantë, në secilën Meshë, në lutjen eukaristike, ajo i përkujton të vdekurit dhe lutet për ta. Ajo lutet për të vdekurit edhe në liturgjinë e orëve. Gjithashtu, Kisha e rrethon vdekjen e besimtarëve me liturgjinë e vet, me Meshët për të vdekurit, ritet e salikimit dhe me bekime. Mirëpo, të gjitha këto nuk mjaftojnë. Në dashurinë që ka për të vdekurit, Kisha e kremton edhe përkujtimin e ditës së besimtarëve të vdekur kur të gjithë meshtarëve ia lejon të kremtojnë tri Meshë.

Sa i përket purgatorit, Katekizmi i Kishës Katolike na mëson: «Ata që vdesin në hir dhe miqësi me Hyjin, por nuk janë plotësisht të pastër, edhe pse janë të sigurt për shëlbimin e vet të pasosur, duhet që pas vdekjes t'i nënshtrohen pastrimit, që ta arrijnë shenjtërinë e domosdoshme për të hyrë në lavdinë qiellore. Këtë pastrim përfundimtar të të zgjedhurve, që dallohet

plotësisht nga dënimi e të ndëshkuarve, Kisha e quan purgator». (KKK 1030...)

Përkujtimi i besimtarëve të vdekur është nismë, të cilën na e dhuruan shenjtërit (Shën Odiloni i Klynit). Prandaj, ditën e parë të nëntorit, Kisha përkujton të gjithë shenjtërit në qiell, ndërsa në ditën e dytë e kthen vëmendjen e të gjithë besimtarëve të shpirtat që vdiqën në hirin e Hyjit, por që janë në vuajtje të përkohshme në purgator, për të kënaqur drejtësinë e Hyjit për mëkatet e tyre. Pasiqë këta shpirta nuk kanë mundësi të bëjnë asgjë për t'i shkurtuar këto mundime, ata na drejtohen neve me ofshamë të patregueshme për t'i ndihmuar, sepse ne, sipas besimit të Kishës së shenjtë, kemi mundësi t'u ndihmojmë me lutjet, flijimet e lëmoshat tona, pra duke bërë vepra të mira.

Siç e thashë më lart, në ditën e Purgatorit, të gjithë meshtarët kanë mundësi që t'i kremtojnë tri Meshë të shenjta për shpirtat e Purgatorit: një për kë dëshirojnë ta paraqesin, të dytën sipas njetit të Atit të shenjtë, e të tretën për të gjithë besimtarët e vdekur. Këtë përcaktim e ka dhënë Papa Benedikti XV.

Prandaj, me të gjithë dëgjuesit e Radio Marisë, çdo ditë të muajit nëntor, në orën 21:00, do ta lusim së bashku Kurorëzën e Mëshirës Hyjnore, Kurorëzën e '100 Jepua Zot pushimin e pasosur' dhe do ta kremtojmë edhe Meshën e shenjtë për shpirtat e të vdekurve të të gjithë besimtarëve që e ndihmojnë Radio Marinë.

Lutja që do ta bëjmë gjatë muajit nëntor për shpirtat e purgatorit duhet të na largojë jo vetëm nga mëkatet e rënda, të vdekshme, por edhe nga mëkatet e lehta që i bëjmë me vetëdije, duke na nxitur që të rrëfehemi dhe të kungohemi në mënyrë që sot të lutemi që shpirtat e purgatorit ta fitojnë jetën e pasosur e që nesër secili prej nesh të bëhet pjesëtar i të njëjtës lumturi.

**Don Preka**

## LUTJA '100 JEPUA, O ZOT, PUSHIMIN E PASOSUR' PËR SHPIRTRAT E PURGATORIT

Kurorëza e '100 Jepua, o Zot, pushimin e pasosur' fillon kështu: Në emër të Atit, Birit e Shpirtit Shenjt. Amen!

Ja, o i dashuri dhe i ëmbli Jezus, para fytyrës sate po bie në gjunjë dhe me zjarr të zemrës po të lutem dhe po të përbej: m'i vulos në zemër ndjenjat e gjalla të fesë, shpresës dhe të dashurisë, pendesën e vërtetë për mëkatet e mia dhe vendimin e palëkundshëm për t'i përmirësuar. Këtë gjë, o Jezus i mirë, po ta kërkoj duke shikuar në vetvete, duke soditur me mendje pesë plagët e tua dhe duke kujtuar fjalët që Davidi profet i tha për ty: «I shporuan duart dhe këmbët e mia; mund të numëroj të gjithë eshtrat e mi» (Krh. Ps 22, 17-18).

V. *Ati ynë, që je në qiell, u shenjtëroftë emri yt, ardhhtë Mbretëria jote, u bëftë vullnesa e jote, si në qiell ashtu në tokë!*

R. *Bukën tonë të përditshme na e jep sot; na i fal fajet tona, si i falim ne fajtorët tanë. E mos na lër të biem në tundim, por na liro nga i keqi. Amen!*

V. – *Të adhurojmë, o Krisht e të bekojmë.*

R. – *Sepse, me kryqin tënd të shenjtë e shpërbleve botën mbarë.*

V. – *Jezusi im, të kërkojmë falje dhe Mëshirë.*

R. – *Për hir të meritave të Plagëve të tua të shenjta!*

**1.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt meritat e vuajtjeve e të dhimbjeve që i pësove për shpëtimin tonë. Së pari, duke e soditur, po ta paraqes Gjakun e çmueshëm që doli nga trupi yt me djersë për shkak të trishtimit dhe dhimbjes që pësove gjatë lutjes në kopshtin e ullinjve.

Në rruazat e vogla, thuaj:

V. – *Jepua, o Zot, pushimin e pasosur. (10 herë)*

R. – *Dhe i shndërrë drita e pambaruar! (10 herë)*

V. – *Pushofshin në paqe! (3 herë)*

R. – *Amen! (3 herë)*

V. – *Të gjithë besimtarëve të vdekur, denjohu, o Zot, t'u japësh pushimin e pasosur.*

R. – *Dëgjoje, o Zot, lutjen tonë!*

Ati ynë...

V. – *Të adhurojmë, o Krisht e të bekojmë.*

R. – *Sepse, me kryqin tënd të shenjtë e shpërbleve botën mbarë.*

V. – *Jezusi im, të kërkojmë falje dhe Mëshirë.*

R. – *Për hir të meritave të Plagëve të tua të shenjta!*

**2.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt trishtimin e madh që të goditi në çastin kur shikove se si Juda, nxënësi yt, të cilin e deshe dhe e mbushe me të mira, të tradhtoi me puthje të rreme dhe të dorëzoi në duar të armiqve.

V. – *Jepua, o Zot... (sikurse pas numrit 1)*

**3.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt durimin e mrekullueshëm që e pate gjatë keqtrajtimit që ta bënë ushtarët që të tërhoqën nga Ana te Kajfa, nga Pilati te Herodi, i cili për të të poshtëruar ta veshi veshjen e të marrëve, duke të të vënë përballë përqeshjeve të turmës dhe duke të të kthyer te pushtetari romak.

V. – *Jepua, o Zot... (sikurse pas numrit 1)*

**4.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt hidhërimin që vërshoi shpirtin tënd atëherë kur populli yt të mohoi Ty që ishe krejtësisht i pafajshëm dhe zgjodhi Barabën kriminel. Ta ofroj vuajtjen kur i lidhur në shtyllë pësove rrahjen e tmerrshme për shëlbimin e njerëzve.

V. – *Jepua, o Zot... (sikurse pas numrit 1)*

**5.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt poshtërimin që pësove kur të përqeshën duke të të adhuruar kinse mbret, duke të të veshur me petk të kuq dhe duke të ta vënë në dorë kallamin. Po e paraqes dhimbjen që pësove kur të kurorëzuan me ferra e Pilati, duke të të paraqitur para popullit, tha: "Ja, njeriu!"

V. – *Jepua, o Zot... (sikurse pas numrit 1)*

**6.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt hidhërimin që pësove kur t'u desh ta dëgjosh popullin tënd të bërtasë: "Kryqëzoje, kryqëzoje"; po e paraqes mundimin që e pësove kur pranove kryqin e rëndë në krahë dhe u nise për të përfunduar i kryqëzuar në të në Kalvar.

V. – *Jepua, o Zot... (sikurse pas numrit 1)*

**7.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt dhimbjen që përjetove në udhën e kryqit kur u takove me të dashurën Nënë tënde e cila erdhi për të të takuar dhe për të të përçafuar, por prej teje e shkëputi dhuna njerëzore.

V. – Jepua, o Zot... (sikurse pas numrit 1)

**8.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt dhimbjet e paimagjinueshme që pësove kur t'i gozduan duart dhe këmbët në drurin e kryqit për të të lënë pastaj tre orë të varur në kryq.

V. – Jepua, o Zot... (sikurse pas numrit 1)

**9.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt trishtimin dhe vuajtjen që pësove gjatë tre orëve i kryqëzuar në kryq, ta ofroj dhimbjen që pësove në të gjitha gjymtyrët e bekuara, dhimbjet që pësove kur e shikoje aty pranë Nënë e dashur që ishte dëshmitare e agonisë sate.

V. – Jepua, o Zot... (sikurse pas numrit 1)

**10.** O Zot, Jezus, për shpëtimin e Shpirtrave të Purgatorit, po ia paraqes Atit dhe Shpirtit Shenjt dhimbjen që pësoi Virgjëra e shenjtë që ishte afër kryqit tënd për vdekjen tënde në kryq, ta ofroj dhimbjen që pësoi zemra e saj e butë kur të pranoi të vdekur në prehrin e saj.

V. – Jepua, o Zot... (sikurse pas numrit 1)

V. – Të gjithë besimtarëve të vdekur, denjohu, o Zot, t'u japësh pushimin e pasosur. **R. – Dëgjoje, o Zot, lutjen tonë!**

Në fund, lutu: Jezus i ëmbël, i gjuhëzuar te këmbët e tua, po t'i ofroj veprat dhe flijimet e mia për Shpirtra të Purgatorit, të cilët Ti i do aq shumë. Dëshiroj që t'u ndihmoj që sa më parë të dalin prej vuajtjeve të tmerrshme që pësojnë e të vijnë te Ti, që aq shumë të dëshirojnë sikurse edhe ti aq shumë i do që t'i kesh të lumtur në shoqërinë tënde. Prano këtë dhuratë të varfër të dashurisë time, mbështille me hirin tënd të shenjtë, që dhurata ime të jetë efikase që këta Shpirtra të bëhen ndërmjetësit e mi te Ti, o Shpëtimtar i mëshirshëm i shpirtrave tanë, denjohu që ta pranosh lutjen time të cilën po ta drejtoj, për të gjithë të vdekurit, sidomos për ata që i kam më të afërm sipas gjakut ose lidhjeve shpirtërore. Në qoftë se ende gjenden në burgun në të cilin pastrohen, jepua sa më parë paqen dhe pushimin e pasosur, duke i pranuar si shpërblim për mëkatet e tyre flijimet dhe veprat që po t'i paraqesim për ta. Ti që jeton e mbretëron në shekuj të shekujve. Amen!

Puna e Pendimit: O Zot im, më vjen keq me gjithë zemër për të gjitha mëkatet që i kam bërë; se kam bjerrë parrizin dhe kam merituar ferrin, por më fort se të kam fyer Ty, o e Mira e pambaruar, që kaq fort më ke dashur. Mëshirë, o Zot! Më fal, o Zot! Po të jap fjalën, me ndihmën tënde, që mos të të fyej më kurrë. Amen!

Përfundojmë me shenjen e Kryqit: Në emër të Atit, Birit e Shpirtit Shenjt. Amen!

## ANGAZHIMET E BESIMTARËVE GJATË MUAJIT NËNTOR

Gjatë muajit nëntor, në të cilin Kisha e shenjtë përkujton shpirtrat e besimtarëve që kanë kaluar në amshim, të gjithë ne besimtarët në tokë mund t'u ndihmojmë shpirtrave në Purgator me lutjet, agjërimet dhe punët tona, të cilat ia kushtojmë Zotit për ta. Duke ju nxitur të gjithë juve besimtarë të dashur që të merrni pjesë me angazhime të ndryshme në ndihmë të shpirtrave të Purgatorit, po bashkëndajmë me ju angazhimet e tre bashkëpunëtoreve të Radio Marisë gjatë muajit nëntor për këtë qëllim.

### Alketa:

- ta lus rruzaren për shpirtrat e Purgatorit;
- ta lus Kurorëzën e Mëshirës Hyjnore çdo ditë;
- të vizitohet të sëmurët në spital 1 herë në javë, e të ndihmoj të varfrit në nevojë.

### Lumturia:

- do ta lexoj Biblën çdo mbrëmje me familjen;
- do ta lus Rruzaren për shpirtrat e Purgatorit çdo mbrëmje me Radio Marinë;
- do ta pastroj oborrin e një familjeje;
- do të agjëroj me bukë e ujë dy herë në javë, e do t'u ndihmoj fëmijëve kur kanë nevojë.

### Lindita:

- të përqendrohem më shumë në lutje;
- të jap maksimumin në studime;
- të takoj të sëmurët që s'ka kush kujdeset për ta dhe t'u shërbej; të ndihmoj një familje të varfër;
- ta dhuroj duresën dhe buzëqeshjen time për çdo njeri që më rrethon.

## LITANITË PËR BESIMTARËT E VDEKUR

O Zot, ki mëshirë!  
 O Krisht, ki mëshirë!  
 O Zot, ki mëshirë!  
 O Krisht, ndjena ne!  
 O Krisht, dëgjona ne!  
 O Krisht, ndjena ne!  
 O Krisht, dëgjona ne!  
 Ati prej qiellit Hyj,  
 Biri, Shpërblyes i botës Hyj,  
 Shpirti Shenjt Hyj,  
 Trinia e shenjtë, një i vetmi Hyj,  
 Shenjtja Mari,  
 Shenjtja Nëna e Hyjit,  
 Shenjtja Virgjëra e virgjërave,  
 Shenjtërit engjëj e krye-engjëj,  
 Shën Jozef,  
 Shenjtërit patriarkë dhe profet,  
 Shenjtërit apostuj dhe ungjilltarë,  
 Shenjtërit martirë,  
 Shenjtërit ipeshkvij dhe rrëfyes,  
 Shenjtërit rregulltarë dhe vetmitarë,  
 Shenjtëreshat virgjëra dhe të veja,  
 Të gjithë shenjtërit dhe shenjtëreshat e Hyjit,  
 Nga çdo e keqe,  
 Nga drejtësia jote e madhe,  
 Nga zjarri i amshuar,  
 Nga vuajta e përhershme,  
 Për të Mishëruarit tënd,  
 Për Emrin tënd tejet të ëmbël,  
 Për të djersiturit tënde në gjak,  
 Për rrahjen tënde dhe kurorëzimin me ferra,  
 Për kryqëzimin tënd në kryq,  
 Për etjen dhe braktisjen e plot,  
 Për vdekjen tënde të hidhur,  
 Për ringjalljen tënde të shenjtë,  
 Për të ngjiturit tënd në qiell,  
 Për ardhjen e Shpirtit Shenjt,  
 Ne mëkatarët,  
 Ti që fale Marinë Magdalenë  
 dhe e dëgjove lutjen e keqbërësit në kryq,  
 Ti që shëlbton me butësi,  
 që të denjohesh t'i lirosht prindërit, të afërmit  
 dhe bamirësit tanë nga vuajtjet e amshueshme,  
 Që të denjohesh të kesh mëshirë dhe t'i falësh  
 të gjithë besimtarët e vdekur,  
 Që të denjohesh t'i numërosh në shoqërinë e të zgjedhurve,  
 Biri i Hyjit,

O Qengji i Hyjit, që shlyen mëkatet e botës,  
 O Qengji i Hyjit, që shlyen mëkatet e botës,  
 O Qengji i Hyjit, që shlyen mëkatet e botës,

Nga dyert e ferrit,  
 O Zot, dëgjoje lutjen time,

**Të lutemi:** O Hyj, Krijues dhe Shëlbues i të gjithë besimtarëve, falua mëkatet të gjithë shërbëtorëve dhe shërbëtove të tua, që faljen të cilën gjithmonë e dëshirovan, më kërkesat e përsëritshme ta fitojnë. Ti që jeton e mbretëron në shekuj të shekujve. Amen!

Jepua, o Zot, pushimin e pasosur,  
 Pushofshin në paqe,

O Zot, ki mëshirë!  
 O Krisht, ki mëshirë!  
 O Zot, ki mëshirë!  
 O Krisht, ndjena ne!  
 O Krisht, dëgjona ne!  
 O Krisht, dëgjona ne!  
 Ki mëshirë për besimtarët e vdekur!  
 Ki mëshirë për besimtarët e vdekur!  
 Ki mëshirë për besimtarët e vdekur!  
 Ki mëshirë për besimtarët e vdekur!

Lutu për besimtarët e vdekur.  
 Lutu për besimtarët e vdekur.  
 Lutu për besimtarët e vdekur.  
 Lutuni për besimtarët e vdekur.  
 Lutuni për besimtarët e vdekur.  
 Lutuni për besimtarët e vdekur.  
 Lutuni për besimtarët e vdekur.  
 Lutuni për besimtarët e vdekur.  
 Lutuni për besimtarët e vdekur.  
 Lutuni për besimtarët e vdekur.  
 Ndërmjetësoni për shpirtat e besimtarëve të vdekur.

Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Liroji të gjithë, o Zot!  
 Po të lutemi, na dëgjo!

Po të lutemi, na dëgjo!

Po të lutemi, na dëgjo!

Po të lutemi, na dëgjo!  
 Po të lutemi, na dëgjo!  
 Po të lutemi, na dëgjo!

Dhurojua prehjen dhe paqen!  
 Dhurojua prehjen dhe paqen!  
 Dhurojua pushimin e pasosur!

Shpëtoji, o Zot, shpirtat e tyre!  
 E britma ime le të arrijë te Ti.

E i shndërrë drita e pambaruar!  
 Amen!

**PRO CREDIT BANK**  
**LLOGARIA NË EURO 600388970102**  
 Kodi SWIFT: FEFAALFR  
 IBAN: AL 45209516090000600388970102  
**LLOGARIA NË LEK 600388970001**  
 Kodi SWIFT: FEFAALFR  
 IBAN: AL 56209516090000600388970001

**INTESA SAN PAOLO BANK**  
**LLOGARIA NË EURO 1043631803**  
 Kodi SWIFT: USALALTR  
 IBAN: AL 25208110080000001043631803  
**LLOGARIA NË LEK 1043631801**  
 Kodi SWIFT: USALALTR  
 IBAN: AL 79208110080000001043631801

**NË ZVICËR ME 5 FRANGA**  
 Duke telefonuar në numrin:  
**0900123411**  
 Në bankën CREDIT SUISSE  
**RADIO MARIA**  
**LLOGARIA NË CHF 361173-10-1**  
 IBAN: CH1804835036117310001